

II.

Sredstva iz tačke I. ove odluke izdvajaju se s pozicije "Tekuća rezerva Vlade Federacije" Odluke o privremenom finansiranju Federacije Bosne i Hercegovine za period januar - mart 2015. godine.

III.

Za realizaciju ove odluke zadužuju se Federalno ministarstvo finansija - Federalno ministarstvo financija i Federalno ministarstvo zdravstva, svako u okviru svoje nadležnosti.

IV.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 368/2015
18. marta 2015. godine
Sarajevo

Premijer
Nermin Nikšić, s. r.

Na temelju članka 19. stavak (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u svezi s člankom 35. Zakona o proračunima u Federaciji Bosne i Hercegovine ("Službene novine Federacije BiH", br. 102/13, 9/14, 13/14 i 8/15), Vlada Federacije Bosne i Hercegovine, na 156. sjednici, održanoj 18.03.2015. godine, donosi

ODLUKU**O ODOBRAVANJU IZDVAJANJA SREDSTAVA SA POZICIJE "TEKUĆA PRIČUVA VLADE FEDERACIJE" IZ ODLUKE O PRIVREMENOM FINANCIRANJU FEDERACIJE BOSNE I HERCEGOVINE ZA RAZDOBLJE SIJEČANJ - OŽUJAK 2015. GODINE FEDERALNOM MINISTARSTVU ZDRAVSTVA**

I.

Iz Odluke o privremenom financiranju Federacije Bosne i Hercegovine za razdoblje siječanj - ožujak 2015. godine ("Službene novine Federacije BiH", broj 8/15), odobrava se izdvajanje sredstava Federalnom ministarstvu zdravstva, razdjel 20, glava 2001, u iznosu od 1.738,82 KM, u svrhu retroaktivnog plaćanja neplaćenih doprinosa za MIO/PIO za razdoblje 21.11.1993. godine do 11.12.1995. godine za Zulfu Godinjaka, na ekonomski kod:

- 612100 - "Doprinosi poslodavca".

II.

Sredstva iz tačke I. ove odluke izdvajaju se s pozicije "Tekuća pričuva Vlade Federacije" Odluke o privremenom financiranju Federacije Bosne i Hercegovine za razdoblje siječanj - ožujak 2015. godine.

III.

Za realiziranje ove odluke zadužuju se Federalno ministarstvo financija - Federalno ministarstvo finansija i Federalno ministarstvo zdravstva, svatko u okviru svoje nadležnosti.

IV.

Ova odluka stupa na snagu narednog dana od dana objave u "Službenim novinama Federacije BiH".

V. broj 368/2015
18. ožujka 2015. godine
Sarajevo

Premijer
Nermin Nikšić, v. r.

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi s članom 35. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14

i 8/15), Vlada Federacije Bosne i Hercegovine, na 156. sjednici, održanoj 18.03.2015. godine, donosi

ODLUKU**O ODOBRAVAŃU IZDVAJAŃA SREDSTAVA SA POZICIJE "TEKUĆA REZERVA VLADE FEDERACIJE" IZ ODLUKE O PRIVREMENOM FINANCIRANJU FEDERACIJE BOSNE I HERCEGOVINE ZA PERIOD JANUAR - MART 2015. GODINE FEDERALNOM MINISTARSTVU ZDRAVSTVA**

I

Iz Odluke o privremenom finansiranju Federacije Bosne i Hercegovine za period januar - mart 2015. godine ("Službene novine Federacije BiH", broj 8/15), odobrava se izdvajanje sredstava Federalnom ministarstvu zdravstva, razdjel 20, glava 2001, u iznosu od 1.738,82 KM, u svrhu retroaktivnog plaćanja neuplaćenih doprinosa za PIO/MIO za period 21.11.1993. godine do 11.12.1995. godine za Zulfu Godinjača, na ekonomski kod:

- 612100 - "Doprinosi poslodavca".

II

Sredstva iz tačke I ove odluke izdvajaju se s pozicije "Tekuća rezerva Vlade Federacije" Odluke o privremenom finansiranju Federacije Bosne i Hercegovine za period januar - mart 2015. godine.

III

Za realizaciju ove odluke zadužuju se Federalno ministarstvo finansija - Federalno ministarstvo financija i Federalno ministarstvo zdravstva, svako u okviru svoje nadležnosti.

IV

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 368/2015
18. marta 2015. godine
Sarajevo

Premijer
Nermin Nikšić, s. r.

FEDERALNO MINISTARSTVO PRAVDE**390**

Na osnovu člana 268. stav 1. Zakona o nasljeđivanju u Federaciji Bosne i Hercegovine ("Službene novine Federacije BiH", broj 80/14), federalni ministar pravde, na prijedlog Notarske komore Federacije Bosne i Hercegovine, donosi

PRAVILNIK**O VISINI NAGRADE I NAKNADE TROŠKOVA NOTARA KAO POVJERENIKA SUDA U OSTAVINSKOM POSTUPKU****I - OPĆE ODREDBE**

Član 1.

Ovim Pravilnikom se utvrđuje visina nagrade i naknade troškova notara kao povjerenika suda u provođenju radnji u ostavinskom postupku, te način njihova obračuna i naplate od strane notara.

Član 2.

- (1) Notaru u provođenju pojedinog ostavinskog postupka, za sve u radnje u tom postupku pripada jedna nagrada i određuje se prema vrijednosti ostavine, osim ako odredbama ovog Pravilnika nije drugačije određeno.
- (2) Vrijednost ostavine radi određivanja nagrade određuje se po slobodnoj ocijeni na osnovu izjava nasljednika, podataka utvrđenih u postupku i podataka koje su nasljednici

podnijeli. Po potrebi, notar može po odredbama o procjeni ostavine radi rezreza poreza na nasljedstvo odrediti obavljanje procjene putem vještaka na trošak nasljednika. Vrijednost čiste ostavine, radi naplate nagrade, utvrđuje se prema vrijednosti koju ostavina ima u vrijeme procjene.

- (3) Za utvrđivanje vrijednosti udjela i dionica u privrednim društvima i drugim pravnim osobama uzima se njihova nominalna vrijednost. Prilikom utvrđivanja vrijednosti čiste ostavine radi određivanja nagrade odbit će se ostaviteljevi dugovi, troškovi sahrane ostavitelja, legati i drugi tereti, troškovi popisa i procjene ostavine i drugi troškovi.

Član 3.

Za pojedine radnje u ostavinskom postupku notar ima pravo na posebnu nagradu samo u slučajevima određenim ovim Pravilnikom.

Član 4.

Ako notar rješenjem odluči da se ne provodi ostavinska rasprava, jer umrli nije ostavio ostavinu, za obavljanje radnje u tom ostavinskom predmetu ne pripada mu nikakva nagrada.

Član 5.

- (1) Notaru u provođenju pojedinog ostavinskog postupka pripada pravo na naknadu nastalog i predvidivog mu troška u punom iznosu, a trošak se određuje po pravilima Tarife o nagradama i naknadama za rad notara u Federaciji Bosne i Hercegovine (u daljem tekstu: Tarifa), ako odredbama ovog Pravilnika nije drugačije određeno.
- (2) Radi obračuna troškova u ostavinskom postupku, u smislu ovog Pravilnika, troškom se ne smatra utrošak papira i drugog uredskog materijala radi izrade i umnožavanja dovoljnog broja primjeraka zapisnika, rješenja i drugih isprava u ostavinskom spisu radi uručivanja nasljednicima, dostave spisa sudu i zadržavanja prijepisa spisa u notarskom arhivu.

Član 6.

- (1) Notar neposredno od nasljednika, tokom ostavinskog postupka, naplaćuje pripadajuću mu nagradu i naknadu troškova.
- (2) O obračunatoj i naplaćenju nagradi i naknadi troškova, kao i o eventualno primljenom predujmu tih iznosa, notar je dužan voditi poseban obračunski list u spisu svakog ostavinskog predmeta, u kojem će hronološki bilježiti činjenice izvršenih uplata i plaćenih nagrada i naknada troškova u tom postupku. Po okončanju ostavinskog postupka, obračunski list će zaključiti potvrđujući jesu li mu u cijelosti podmireni nagrada i naknada troškova.
- (3) Jedan primjerak obračunskog lista notar zajedno sa potvrdom/računom iz stava 2. ovog člana ulaže u spis predmeta.
- (4) Notar će odbiti davanje klauzule pravosnažnosti i dostavljanje pravosnažnog rješenja o nasljeđivanju javnim registrima sve dok stranke ne izmire cjelokupni iznos notarske nagrade i naknade troškova.

II - ODREĐIVANJE NAGRADE PREMA VRIJEDNOSTI OSTAVINE

Član 7.

- (1) Za radnje notara oko pozivanja nasljednika na ročište za raspravu, za provođenje ostavinske rasprave, te donošenje i otpremanje rješenja o nasljeđivanju, kao i za druge radnje za koje ovim Pravilnikom nije određena posebna nagrada, notar je dužan obračunati nagradu u neto iznosu prema vrijednosti ostavine i to:

| Vrijednost predmeta ostavine | | Nagrada u KM |
|------------------------------|---------|--------------|
| Iznad KM | do KM | |
| 0. | 5.000 | 50,00 KM |
| 5.000 | 20.000 | 100,00 KM |
| 20.000 | 50.000 | 145,00 KM |
| 50.000 | 100.000 | 180,00 KM |
| 100.000 | 200.000 | 260,00 KM |
| 200.000 | 500.000 | 400,00 KM |

- (2) Ako vrijednost ostavine prelazi iznos od 500.000,00 KM pored iznosa nagrade od 400,00 KM plaća se 0,5% na razliku preko 500.000,00 KM, ali ne više od iznosa maksimalne nagrade propisane Tarifom.
- (3) U onim ostavinskim postupcima u kojima ostavinu nasljeduju nasljednici prvog nasljednog reda i bračni partner iz drugog nasljednog reda, nagrada za rad notara, bez obzira na vrijednost ostavine, određuje se u fiksnom iznosu od 50,00 KM.
- (4) Ako nastupe uslovi za prekid postupka, za do tada obavljene notarske radnje, notar je dužan obračunati nagradu od 50% nagrade iz st. 1. i 2. ovog člana ili iz stava 3. ovog člana u postupcima u kojima ostavinu nasljeđuju nasljednici prvog nasljednog reda i bračni partner iz drugog nasljednog reda i naknadu svih do tada nastalih troškova postupka.
- (5) Ako se po okončanju prekida ostavinskog postupka ponovno povjeri notaru dovršenje ostavinskog postupka, notar je dužan obračunati nagradu i nastale troškove do punog iznosa nagrade po st. 1. i 2. ovog člana ili stava 3. ovog člana u postupcima u kojima ostavinu nasljeđuju nasljednici prvog nasljednog reda i bračni partner iz drugog nasljednog reda.
- (6) Za donošenje dopunskog rješenja o nasljeđivanju, nagrada se određuje prema vrijednosti imovine, koja je predmet tog dopunskog rješenja, a u postupcima iz stava 3. ovog člana u iznosu od 45 KM.
- (7) Za donošenje djelimičnog rješenja o nasljeđivanju, notar je dužan, prema vrijednosti nespornog dijela ostavine, koji je predmet djelimičnog rješenja o nasljeđivanju obračunati nagradu iz st. 1. i 2. ovog člana, a u postupcima iz stava 3. ovog člana u iznosu od 45 KM.
- (8) U slučaju donošenja posebnog rješenja o legatu plaća se nagrada prema vrijednosti legata na način propisan u st. 1. i 2. ovog člana.

III - ODREĐIVANJE POSEBNE NAGRADE ZA POJEDINE RADNJE

Član 8.

- (1) Ako notar provodi pojedine radnje popisa i pečačenja ostaviteljeve imovine u pokrenutom ostavinskom postupku ili provodi prethodne radnje u povjerenom mu poslu prije pokretanja ostavinskog postupka, dužan je obračunati i posebnu nagradu u visini 75% nagrade iz člana 7. ovog Pravilnika.
- (2) U svakom slučaju bez obzira na broj obavljenih pojedinih radnji iz stava 1. ovog člana, visina posebne nagrade ne može preći iznos koji notaru pripada po članu 7. ovog Pravilnika.

Član 9.

Ako notar prima na depozit ostaviteljeve stvari, isprave, novac, dragocjenosti i vrijednosne papire, notar je dužan obračunati posebnu nagradu prema pravilima Tarife, koja reguliše depozit stvari, isprava, novca, dragocjenosti ili vrijednosnih papira.

